



## Ո Ր Ո Շ ՈՒ Մ

Փորձագետ ճանաչելու մասին

« 24 » մայիսի 2018թ.

ք.Երևան

ՀՀ ՔԿ ԵՔՔՎ Շենգավիթ վարչական շրջանի քննչական բաժնի ՀԿԳ քննիչ Դ.Սարոյանս, վերանայելով վարույթիս թիվ 11109818 քրեական գործի նյութերը.

### Պ Ա Ր Ջ Ե Ց Ի՝

2018 թվականի մայիսի 4-ին ժամը 00:50-ին ՀՀ ոստիկանության Երևան քաղաքի վարչության օպերատիվ կառավարման կենտրոնից ոստիկանության Շենգավիթի բաժին հաղորդում է ստացվել, որ իրենց է զանգահարել Արման Կարապետյանը և հայտնել է, որ Չարբախի փոստում արյունոտ մարդ կա ընկած, հնարավոր է դանակահարված:

Դեպքի վայրի զննությամբ Երևան քաղաքի Կարմիր բլուր 2-րդ փողոցի թիվ 98 տան դիմաց հայտնաբերվել է Գոռ Տարիելի Գասպարյանի դին՝ կրծքավանդակի, որովայնի և գլխի շրջանում կտրած-ծակած վնասվածքներով:

Փաստի առթիվ 04.05.2018թ-ին ՀՀ քննչական կոմիտեի Երևան քաղաքի քննչական վարչության Շենգավիթ վարչական շրջանի քննչական բաժնում ՀՀ քրեական օրենսգրքի 104-րդ հոդվածի 1-ին մասի հատկանիշներով հարուցվել է թիվ 11109818 քրեական գործը:

Գ.Գասպարյանը ճանաչվել է որպես տուժող:

04.05.2018թ-ին սպանություն կատարելու կասկածանքով ոստիկանության Շենգավիթի բաժին է բերման ենթարկվել Ռազմիկ Անդրանիկի Հովհաննիսյանը, ով ներկայացվել է Շենգավիթ վարչական շրջանի քննչական բաժնի, նույն օրը ժամը՝ 08:20-ին ՀՀ քրեական օրենսգրքի 104-րդ հոդվածի 1-ին մասով նախատեսված հանցանք կատարելու մեջ անմիջականորեն ծագած կասկածանքով ձերբակալվել է:

2018 թվականի մայիսի 05-ին Ռ.Հովհաննիսյանին մեղադրանք է առաջադրվել ՀՀ քրեական օրենսգրքի 104-րդ հոդված 1-ին մասով այն բանի համար, որ նա 2018թ մայիսի 4-ին ժամը՝ 00:45-ի սահմաններում, Երևան քաղաքի Շիրակի փողոցի թիվ 62/3 հասցեում գտնվող ավտոլվացման կետի դիմաց, իր ծանոթ Գոռ Տարիելի Գասպարյանի հետ գումարային պարտք ու պահանջի հարցի շուրջ ծագած վիճաբանության ընթացքում, իր ծնողների հասցեներին Գ.Գասպարյանի կողմից ուղղված սեռական բնույթի հայհոյանքներ հնչեցնելու պատճառով, նրան ապօրինաբար կյանքից զրկելու դիտավորությամբ, նախապես իր մոտ եղած սուր ծակող-կտրող առարկայով թվով երեք անգամ հարվածել է Գ.Գասպարյանի կրծքավանդակի ձախ կեսի, գլխի գագաթածորակային և վերորովայնային շրջաններին, սպանել նրան և դիմել փախուստի:

Առաջադրված մեղադրանքում Ռ.Հովհաննիսյանը իրեն մեղավոր է ճանաչել և պնդել է որպես կասկածյալ տված ցուցմունքը:

Որպես խափանման միջոց կիրառվել է կալանավորումը:

08.05.2018թ-ին նշանակվել է ստացիոնար դատահոգեբուժական և դատահոգեբանական համալիր փորձաքննություն, որի կատարումը հանձնարարվել է ՀՀ ԱՆ «Հոգեբուժական բժշկական կենտրոն» ՓԲԸ Նուբարաշենի կլինիկայի ստացիոնար դատահոգեբուժական հանձնաժողովին և «Խաչատուր Աբովյանի անվան հայկական պետական մանկավարժական համալսարան» հիմնադրամի կիրառական հոգեբանության և հոգեբանության ամբիոնների համապատասխան մասնագետներին:

«Խաչատուր Աբովյանի անվան հայկական պետական մանկավարժական համալսարան»-ի կրթության հոգեբանության և սոցիոլոգիայի ֆակուլտետից ստացված գրության համաձայն՝ սույն քրեական գործով ստացիոնար դատահոգեբանական և դատահոգեբուժական համալիր փորձաքննության կատարման նպատակով կիրառական հոգեբանության ամբիոնի կողմից որպես փորձագետ ներկայացվել է հոգեբանական գիտությունների թեկնածու, դոցենտ՝ Մարիաննա Սամվելի Ավետիսյանը:

Նկատի ունենալով, որ նշանակված ստացիոնար դատահոգեբանական և դատահոգեբուժական համալիր փորձաքննությունը դատահոգեբանական մասով պետք է կատարվի հոգեբան-փորձագետի մասնակցությամբ, ուստի ելնելով վերոգրյալից և ղեկավարվելով ՀՀ քր. դատ. օր-ի 55-րդ հոդվածի 3-րդ մասի, 4-րդ մասի 12-րդ կետով, 85-րդ և 249-րդ հոդվածներով,

#### Ո Ր Ո Շ Ե Ց Ի՝

1. Վարույթիս թիվ 11109818 քրեական գործով ստացիոնար դատահոգեբանական և դատահոգեբուժական համալիր փորձաքննության դատահոգեբանական մասով կատարման համար որպես փորձագետ ճանաչել «Խաչատուր Աբովյանի անվան հայկական պետական մանկավարժական համալսարան»-ի կիրառական հոգեբանության ամբիոնի հոգեբան, հոգեբանական գիտությունների թեկնածու, դոցենտ Մարիաննա Սամվելի Ավետիսյանին:

2. Փորձագետին պարզաբանել ՀՀ քր. դատ. օր-ի 85 հոդվածով նախատեսված փորձագետի իրավունքներն ու պարտականությունները, ինչպես նաև ակնհայտ կեղծ եզրակացություն տալու համար ՀՀ քր. դատ. օր-ի 338 հոդվածով նախատեսված պատասխանատվության մասին:

ՀԿԳ քննիչ՝



Դ.Սարգյան

Որոշման մասին ինձ հայտնվել է, միաժամանակ պարզաբանվել է ՀՀ քր. դատ. օր-ի 85 հոդվածով նախատեսված փորձագետի իրավունքներն ու պարտականությունները, նախազգուշացվել եմ ակնհայտ կեղծ եզրակացություն տալու, եզրակացություն տալուց հրաժարվելու համար ՀՀ քր. օր-ի 338-րդ հոդվածով նախատեսված քրեական պատասխանատվության մասին:

Փորձագետ՝



Մ.Ավետիսյան

<< 29 >> 05.2018թ

**Ա Ր Ձ Ա Ն Ա Գ Ր ՈՒ Թ Յ ՈՒ Ն**

փորձաքննություն նշանակելու մասին որոշումը փորձագետին հանձնելու և նրա իրավունքներն ու պարտականությունները պարզաբանելու մասին

« 29 » մայիսի 2018թ.

ք.Երևան

« ԲԿ ԵՔԲՎ Շենգավիթ վարչական շրջանի քննչական բաժնի ՀԿԳ քննիչ, Դ.Սարոյանս ՀՀ քր. դատ. օր-ի 249 հոդ. պահանջների պահպանմամբ, վարույթում գտնվող թիվ 11109818 քրեական գործով 24.05.2018թ որոշմամբ փորձագետ ճանաչված Մարիաննա Սամվելի Ավետիսյանին հանձնեցի փորձաքննություն նշանակելու մասին որոշումը և նրան պարզաբանեցի ՀՀ քր. դատ. օր.- ի 85 հոդվածով նախատեսված փորձագետի իրավունքներն ու պարտականությունները:


Միաժամանակ փորձագետ Մ.Ավետիսյանը նախազգուշացվել է ակնհայտ կեղծ եզրակացություն տալու համար ՀՀ քր. օր.- ի 338-րդ հոդվածով նախատեսված պատասխանատվության մասին:


Փորձագետ՝  Մ.Ավետիսյան

ՀԿԳ քննիչ՝  Դ.Սարոյան

Փորձաքննություն նշանակելու մասին որոշման պատճենը ստացա: ՀՀ քր. դատ. օր.-ի 85 հոդվածով նախատեսված փորձագետի պարտականություններն ու իրավունքները քննիչի կողմից ինձ պարզաբանվել են: Ակնհայտ կեղծ եզրակացություն տալու համար ՀՀ քր. օր.-ի 338 հոդվածով նախատեսված պատասխանատվության մասին նախազգուշացվել եմ:

ՀՀ քր. օր.-ի 338-րդ հոդվածի բովանդակության հետ ծանոթացել եմ:  
Հայտարարություններ չունեմ:

ՓՈՐՁԱԳԵՏ՝  Մ.Ավետիսյան

ՀԿԳ քննիչ՝  Դ.Սարոյան